



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1845

CXXII. Schiedsspruch, durch welchen die Kapelle zu Hildagesburg dem
Domstifte Stendal zuerkannt ist, vom 3. Mai 1137.

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

felde, famulis, necnon aliis pluribus fide dignis. Actum et datum Tangermundis, Anno domini M^o. CCC^o. XXX sexto, Sabbato die proximo ante festum beati martini Episcopi et Confessoris.

CXXI. Erzbischof Otto von Magdeburg bestellt einen Procurator zu der Prozesssache, die er mit dem Domstift Stendal über das Patronat der Kapelle zu Hildagesburg führt, den 20. Apr. 1337.

Nos Otto, dei gratia Sancte Magdeburg. ecclesie Archiepiscopus, Totumque Capitulum eiusdem ecclesie, — in causa — super Jure patronatus Capelle in hildinghesburch nostre dyocesis — honorabilem virum Johannem de Suntra, nostre ecclesie Canonicum, facimus et constituimus nostrum et ecclesie nostre procuratorem Syndicum et nuncium specialem, Dantes eidem plenam ac liberam potestatem et mandatum speciale agendi, defendendi, libellos dandi et recipiendi, litem contestandi, cujuslibet generis sacramentum in animas nostras prestandi, ponendi et articulandi concludendi etc. In quorum omnium et singulorum testimonium Sigillum nostri Ottonis Archiepiscopi predicti presentibus est appensum. Actum et Datum Magdeburg, anno domini M^o. CCC XXXVII, vicesima die mensis Aprilis.

CXXII. Schiedspruch, durch welchen die Kapelle zu Hildagesburg dem Domstifte Stendal zuerkannt ist, vom 3. Mai 1337.

— Nos.. Officialis curie Magdeburgensis — anno domini M^o. CCC^o. XXX septimo, tertia die mensis Maji, hora nona, in domo habitationis honorabilis viri domini Johannis decani ecclesie Magdeburgensis constituti in presentia nostra ac Johannis de Aken notarii publici necnon testium ad hoc vocatorum et rogatorum videlicet domini Johannis decani jam dicti, magistri Guntheri de Hedewigeffen medici, Johannis Palmedach perpetui vicarii ecclesie Magdeburgensis et Johannis de Gamin, Honorabiles viri domini Johannes de suntra canonicus ecclesie Magdeburgensis et investitus cappelle in Hildinghesburch Magdeburgensis dyocesis pro se et procuratorio nomine venerabilis in Christo patris domini Ottonis sancte Magdeburgensis ecclesie jam dicte Archiepiscopi parte ex una, et Marquardus de Bardeleve, canonicus ecclesie Stendalensis, Halberstadenensis dyocesis, pro se et procuratorio nomine — parte ex altera, compromiserunt in nos tamquam in amicabilem compositorem. — Nos igitur — laudamus, arbitramur et pronunciamus dominum, Marquardum predictum nomine Decani et Capituli ecclesie Stendalensis predictorum restituendum et reponendum in possessionem prefate cappelle, ejusque possessione pacifica debere exnunc et in antea gaudere, fructus vero perceptos et obventiones, expensas, dampna et interesse utrobique quitamus et cassamus, Injungentes partibus predictis et mandantes sub pena antedicta, ne quis alterum super aliquo eorundem in judicio vel extra convenire presumat, inpetere vel perturbare. Quibus pronunciatis procuratores dictarum partium ibidem presentes pro se et suis dominis presentem hanc nostram pronunciationem, laudationem et arbitrium requisiti a nobis promiserunt firmiter observare. Eodem vero die hora vesperarum presente notario supra dicto et testibus, videlicet domino Ulrico preposito sanctimonialium in Wolmirstede magistro Gunthero predicto, Wulperto clerico et aliis quam pluribus fide dignis nos.. Officialis, sepedictus dictum dominum Mar-

quardum in possessionem ipsius cappelle reduimus corporalem nomine suo et dominorum suorum predictorum, adhibitis quoad hoc sollempnitatibus debitis et consuetis. In quorum etc. Acta sunt hec Magdeburgi et in Hildinghefburch, anno mense die et horis prenotatis, presentibus testibus supra scriptis. Et ego Johannes de Aken clericus Magdeburgensis dyoecesis publicus auctoritate Imperiali notarius etc.

CXXIII. Notariatsinstrument über den Hergang dieses Prozesses, vom 5. Mai 1337.

— Pridem venerabilis in christo pater ac dominus noster dominus Otto, Sancte Magdeburgensis ecclesie archiepiscopus nobis officiali curie Magdeburgensis causam, que vertebatur inter ipsum suumque Capitulum et ecclesiam magdeburgensem parte ex vna et honorabiles viros Decanum et Capitulum ecclesie Stendalgenfis — parte ex altera, super Capella dicta hildinghefburch eiusdem magdeburgensis dyoecesis et iure patronatus ipsius presentibus honorabilibus viris dominis Ludowico de honften Thezaurario halberstadenfis et Gherlaco de honueltz canonico magdeburgensis ecclesiarum consencientibus etiam et presentibus ibidem, scilicet in castro wolmerstede, dominis Johanne Suntra Canonico Magdeburgensis, inuestito ad dictam Capellam per eundem dominum Archiepiscopum et procuratore ac Syndico ipsius domini Archiepiscopi, — et marquardo de Bardeleue, canonico Stendalgenfis ecclesiarum predictarum, procuratore et Syndico decani et capituli ecclesie Stendalgenfis predictorum, oraculo viue vocis commisit audiendam et sine debito terminandam —. Comparentibus itaque in iudicio coram nobis procuratoribus et Syndicis antedictis dictus Johannes petitionem seu libellum pro se et procuratorio nomine quo supra obtulit hujus tenoris: Coram vobis honorabili viro domino officiali curie Magdeburgensis Judice quoad causam Infrascriptam specialiter electo et deputato, dicit et in iure proponit Johannes de Suntra, canonicus ecclesie Magdeburgensis et rector cappelle in hildinghefburch, pro se et procuratorio nomine pro parte venerabilis in christo patris domini Ottonis archiepiscopi capituli et ecclesie Magdeburgensis, contra honorabiles viros decanum et capitulum ecclesie Stendalgenfis halberstadenfis dyoecesis, Quod licet cappella de hildinghefburch Magdeburgensis dyoecesis constituta sit sub dominio et districtu ac Jurisdictione temporali domini sui archiepiscopi magdeburgensis ipsaque Cappella et ejus prouisso ac dispositio ad Archiepiscopum magdeburgensem, qui est pro tempore, pertinuerit et pertineat pleno jure, tamen honorabiles viri decanus et capitulum ecclesie Stendalgenfis predicti falso asserentes ipsam Cappellam cum suis fructibus et pertinentiis incorporatam esse decanatu ecclesie sue et annexam, de eadem temere se intromiserunt et intromittunt fructusque ipsius et redditus perceperunt et percipere nituntur, ipsum Johannem grauiter impediendo, quominus dictam capellam sibi canonice collatam per reuerendum in christo patrem dominum Ottonem Archiepiscopum Magdeburgensem cum suis redditibus et pertinentiis valeat pacifice possidere. Petit igitur dictus Johannes pro se et procuratorio nomine — per vos condemnari et compelli prefatos Decanum et capitulum ad satisfactionem injurie predictae cum expensis, dampnis et interesse ac fructibus perceptis et qui percipi poterunt, necnon prohiberi et compelli per censuram ecclesiasticam, ut ab inquietatione et perturbatione prefata desistant: offert etiam se in facto consistencia legitime probaturum. — Deinde vero dominus marquardus, procurator et Syndicus predictorum dominorum decani et capituli ecclesie Stendalgenfis similiter in continenti petitionem obtulit in hec verba. Coram vobis honorabili viro domino Officiali curie magdeburgensis Judice quoad causam